

Thirrje për Ekspert/e

Ekspert/e për Hartimin e një Raportit mbi arritjet dhe mësimet e nxjerra nga grupet e fëmijëve

Termat e Referencës

Hyrje

Syri i Vizionit (SiV) është regjistruar zyrtarisht si organizatë joqeveritare lokale në shtator të vitit 2001, por ka filluar të funksionojë edhe më herët, që nga viti 1999, si Organizatë e Bazuar në Komunitet (CBO) në komunën e Pejës. Që nga fillimi, motoja e organizatës ka qenë “Mendo globalisht, vepro lokalisht”, të cilës organizata i ka qëndruar besnike. Misioni i organizatës është “Zhvillimi i komunitetit të njerëzve, grupeve joformale, organizatave, rrjeteve, institucioneve dhe donatorëve përmes avokimit, shkëmbimit të informacionit dhe ndërgjegjësimit” dhe SiV përmes veprimit të saj dëshmon se është një organizatë që kryen veprime lokale bazuar në praktikat më të mira.

II. Informata të përgjithshme

Syri i Vizionit (SiV) është duke zbatuar projektin “**Detyrimi ynë për të ardhmen – Mbrojtja e Fëmijëve dhe Qeverisja e të Drejtave të Fëmijëve**” në partneritet me Save the Children Kosova/o (SCiK), mbështetur financiarisht nga Sida. Ky projekt ka për qëllim rritjen e ekspertizës dhe kapaciteteve të OSHC-ve, për të avokuar për të drejtat e fëmijëve dhe për t'i mbajtur udhëheqësit përgjegjës që të ofrojnë qasje të barabartë në sisteme cilësore të mbrojtjes së fëmijëve dhe mekanizma të të drejtave të tyre, si dhe të krijohen kushte dhe mundësi që fëmijët të organizohen dhe të shprehin çështjet e tyre në interesin e përbashkët.

Në kuadër të programit tematik në fushën e mbrojtjes dhe qeverisjes me të drejtat e fëmijëve, po punohet në fuqizimin e grupeve të fëmijëve përmes Asambleve Komunale të Fëmijëve-AKF që përbehet nga fëmijët/nxënësit e shkollave fillore dhe të mesme të ulëta, dhe Grupin Monitorues Respect Our Rights-ROR, grup ky i përbërë prej 24 fëmijëve nga komunat e ndryshme të Kosovës, të moshave 14-17 vjeç, nga të gjitha komunitetet, duke përfshirë edhe fëmijët me aftësi të kufizuara.

Pjesë e rëndësishme e programit është ngritja e kapaciteteve, fuqizimi dhe zhvillimi i grupit të fëmijëve ROR dhe nga Asambleve Komunale të Fëmijëve në monitorimin e zbatimit të Konventës Ndërkombëtare mbi të Drejtat e Fëmijëve në Kosovë dhe mbrojtjen e interesit më të mirë të fëmijës duke i bërë pjesë të proceseve dhe politikave vendimmarrëse.

III. Objektiva

Syri i Vizionit kërkon të angazhojë një ekspert/e me përvojë (së paku pesëvjeçare) për të përpiluar një raport dokumentues mbi arritjet dhe mësimet e nxjerra nga grupet e fëmijëve.

Ky raport do të shërbejë si një dokument me vlerë që pasqyron:

- Arritjet e grupeve të fëmijëve gjatë zbatimit të projektit 2023-2025;
- Mësimet e nxjerra nga përfshirja e tyre aktive në dizanim dhe implementim të aktiviteteve;
- Ndikimin që projekti ka pasur tek vetë fëmijët dhe bashkëmoshatarët e tyre në përfshirjen Aktive të tyre në vendimmarrje.

Hulumtimi do të përfshijë përfaqësuesit e grupeve të fëmijëve nga grupi ROR dhe Asamblatë Komunale të Fëmijëve në komunat Pejë, Prishtinë, Gjiilan, Gjakovë, Ferizaj, Mitrovicë e jugut dhe Klinë ku Syri i Vizionit dhe Save the Children Kosova/o janë duke zbatuar Programin e Mbrojtjes së Fëmijës dhe Qeverisjes së të Drejtave të Fëmijës.

IV. Kualifikimi i nevojshëm:

- Diplomë universitare (kualifikimi Master dhe edukimi profesional/joformal në fushën e të drejtave të fëmijëve ,vendimmarrje dhe komunikimit masiv/avokim është përparësi);
- Dokumentimi i përvojës së hulumtimeve/punës në fushat specifike sipas ToR (transparencë e llogaridhënie si dhe përfshirjen e fëmijëve në vendimmarrje etj);
- Njohuri për parimet e të drejtave të fëmijëve të bazuara në Konventën e të Drejtave të Fëmijës;
- Njohuri mbi politikat dhe legjislacionin në fuqi, me theks të veçantë Ligjin për Mbrojtjen e Fëmijës;¹

¹ <https://gzk.rks-gov.net/ActDocumentDetail.aspx?ActID=20844>

- Shkathtësi të shkëlqyera analitike, udhëheqëse dhe shkathtësi në shkrim dhe komunikim miqësor me fëmijë;
- Shkathtësi të mira në të shkruar dhe të folur të gjuhës shqipe dhe angleze.

V. Detyrat dhe Përgjegjësitë:

Nga eksperti/ja i/e angazhuar pritet të:

- Zhvillojë metodologjinë e hulumtimit mbi mbledhjen e perceptimeve të fëmijëve dhe prezantimin e metodologjisë paraprakisht tek SiV dhe SCiK;
- Hartimin e pyetësorëve dhe takime me fokus grupe të fëmijëve në konsultim me stafin përgjegjës të SiV-it dhe SCiK-së për rishikim dhe miratim paraprak;
- Udhëheqë takimet me fokus-grupe të fëmijëve me profesionalizëm, s'qaronë dhe shtjellojë tematikën dhe termet përkatëse në pajtim me 9 rregullat për pjesëmarrje të sigurt dhe kuptimplotë të fëmijëve:
[https://resourcecentre.savethechildren.net/document/nine-basic-requirements-meaningful-and-ethica-childrens-participation/](https://resourcecentre.savethechildren.net/document/nine-basic-requirements-meaningful-and-ethical-childrens-participation/)
- Dorëzojë draftin e parë nga hulumtim së bashku me listat e pjesëmarrësve, data-bazën me të dhënat e pyetësorëve si dhe timesheet tek SiV jo më vonë se pesë (5) ditë pune sipas kontratës
- Të finalizojë dhe inkorporojë të gjitha komentet shtesë të mundshme nga SiV dhe SCiK dhe të dorëzojë raportin final jo më vonë se tri ditë(3) pas pranimit të komenteve.

VI. Angazhimi i Ekspertit/es:

Eksperti/ja do të angazhohet nga 1 deri më 22 shtator me anë të një kontrate për shërbim me Syri i Vizionit - nën koordinimin e Menaxherit të Financave dhe Administratës. Në këtë kontratë do të përcaktohen në mënyrë specifike pikat të cilat nuk janë të përfshira në këtë dokument. Angazhimi do të bëhet gjatë muajit mars dhe prill në bazë ditore, ku do të përfshihen aktivitetet e mëposhtme:

Detyrat	Kohëzgjatja
Përgatitja e metodologjisë së hulumtimit dhe mbledhjes së të dhënave (pyetjet për fokus grupe të fëmijëve, pyetësorët dhe databazën e të dhënave) dhe materialet tjera shtesë të nevojshme, në përputhje me 9 rregullat për pjesëmarrje të sigurt dhe kuptimplotë të fëmijëve)	1 ditë
Mbajtja e punëtorive me së paku 4 fokus grupe të fëmijëve	4 ditë
Realizimi i pyetësorëve me së paku 40 përfaqësues të fëmijëve	5 ditë
Përpunimi i të dhënave nga pyetësorët - databaza	2 ditë
Përpilimi i raportit	2 ditë
Inkorporimi i komenteve të mundshme shtesë dhe finalizimi i raportit	1 ditë
Gjithsej:	15 ditë

VII. Kushtet e Pagesës:

Pagesa e ekspertit/ës do të bëhet sipas kontratës përkatëse për kryerjen e shërbimeve dhe timeshet që do të plotësohen nga ai/ajo, ose do të përgatitet nga SiV e do nënshkruhet nga Eksperti/ja. Pagesa do të realizohet përmes transaksionit bankar në valutën Euro. Pagesa do të bëhet pas përfundimit me sukses të të gjitha trajnimeve dhe dorëzimit të dokumenteve të përcaktuara me ToR.

Në bazë të ligjit të Kosovës, Syri i Vizionit është po ashtu i obliguar që të paguajë tatimin (taksa dhe Pension) prej 10% të shumës bruto. Shpenzimet e ushqimit gjatë trajnimeve do t'i mbulojë organizatori.

VIII. Dokumentet e kërkuara dhe procedura për aplikim:

1. Kopja e diplomës universitare (ndonjë certifikatë e licencimit nga institucioni përgjegjës konsiderohet përparësi);
2. Përshkrimi i metodologjisë së punës, duke përfshirë planifikimin e procesit të zhvillimit të materialeve të nevojshme mbajtjen e fokus-grupeve me fëmijë numrin e pjesëmarrësve dhe numrin pyetësorëve;
3. Një letër motivuese ku përfshihet përvoja e punës dhe ekspertiza që ai/ajo mund të ofrojë në fushën e hulumtimit në "Arritjet dhe mësimet e nxjerra nga grupet e

fëmijëve” apo dokumenteve të ngjashme të cilat kanë të bëjnë me konsultimet me fëmijë dhe përfshirjen e tyre aktive në vendimmarrje ku mbrohet dhe përfaqësohet interesi më i mirë i tyre;

4. Një plan tentativ për punëtori;
5. Biografia - CV
6. Propozimi financiar*

**Oferta financiare duhet të jetë e hollësishme për secilën punë që do të realizohet, duke përfshirë, zhvillimin e materialeve, pyetësorëve, futjen e të dhënave në databazë dhe, shkrimin e raportit.*

Aplikacionet duhet të dorëzohen në formë elektronike në e-mail adresën:
office@syriivizionit.org ose naser.lajqi@syriivizionit.org me subjektin: Aplikacioni për Mbajtjen e Punëtorisë me grupin e fëmijëve Respect Our Right's.

Afati i fundit për dorëzimin e aplikacionit është me datë: 25 gusht 2025, ora 16:00.

Vetëm kandidatët e suksesshëm do të kontaktohen!